

Na osnovu člana 55. Statuta Općine Ilijaš, prečišćeni tekst ("Službene novine Kantona Sarajevo", broj 20/09) i člana 99. i 150. Poslovnika Općinskog vijeća Ilijaš ("Službene novine Kantona Sarajevo", broj 2/10), Općinsko vijeće Ilijaš, na redovnoj 27. sjednici održanoj 16. decembra 2010. godine, donijelo je

ODLUKU

O DAVANJU SAGLASNOSTI NA PRAVILA JAVNE USTANOVE "KULTURNO-SPORTSKI CENTAR I RADIO ILIJAŠ"

Član 1.

Daje se saglasnost na PRAVILA JAVNE USTANOVE "KULTURNO-SPORTSKI CENTAR I RADIO ILIJAŠ", notarski obrađena od notara Šefedina Suljevića iz Ilijaša OPU-IP br. 509/2010 od 15.11.2010. godine, koja su sastavni dio ove Odluke.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-1790-5/10
16. decembra 2010. godine

Predsjedavajući
Općinskog vijeća Ilijaš
Petar Ilić, s. r.

Na osnovu člana 21. i 24. Zakona o budžetima u Federaciji Bosne i Hercegovine ("Službene novine Federacije BiH", br. 19/06, 76/08, 5/09, 32/09, 51/09, 9/10 i 36/10), člana 103. Statuta općine Ilijaš - prečišćeni tekst ("Službene novine Kantona Sarajevo" br. 20/09), te člana 99. Poslovnika Općinskog vijeća Ilijaš ("Službene novine Kantona Sarajevo", br. 2/10), Općinsko vijeće Ilijaš, na XXVIII sjednici održanoj 30. decembra 2010. godine, donosi

ODLUKU

O PRIVREMENOM FINANSIRANJU OPĆINE ILIJAŠ ZA PERIOD 01.01. - 31.03.2011. GODINE

Član 1.

Ovom Odlukom odobrava se privremeno finansiranje Općine Ilijaš za period od 01.01. do 31.03.2011. godine.

Član 2.

Privremeno finansiranje Općine Ilijaš obavljat će se srazmjerno sredstvima utrošenim u istom razdoblju prema budžetu za prethodnu godinu, a najviše do jedne četvrtine ukupnih prihoda raspoređenih budžetom za prethodnu fiskalnu godinu, kako slijedi:

1. PRIHODI	1.436.270,00 KM
2. IZDACI	1.436.270,00 KM
- bruto plaće, naknade uposlenim i doprinosi poslodavca	390.770,00 KM
- izdaci za materijal i usluge	174.330,00 KM
- tekući grantovi	466.410,00 KM
- kapitalni grantovi	103.610,00 KM
- izdaci za kamate	5.750,00 KM
- kapitalni izdaci	295.400,00 KM

Član 3.

Ostvareni prihodi i primici kao i izvršeni rashodi i izdaci u periodu privremenog finansiranja uključuju se u Budžet Općine Ilijaš za 2011. godinu.

Član 4.

Realizacija sredstava Budžeta prema Odluci o privremenom finansiranju vršit će se u skladu sa Odlukom o izvršavanju Budžeta Općine Ilijaš za 2010. godinu.

Član 5.

Ova Odluka primjenjivat će se od 01.01.2011. godine, a najduže tri mjeseca.

Član 6.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-1868-4/10
30. decembra 2010. godine
Ilijaš

Predsjedavajući
Općinskog vijeća Ilijaš
Petar Ilić, s. r.

Na osnovu člana 44. stav 4. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i čl. 23. i 55. Statuta Općine Ilijaš, prečišćeni tekst ("Službene novine Kantona Sarajevo", 20/09), Općinsko vijeće Ilijaš, na sjednici održanoj 30. decembra 2010 godine, donijelo je

ODLUKU

O USVAJANJU REGULACIONOG PLANA "CENTAR ILIJAŠ"

Član 1.

Usvaja se Regulacioni plan "Centar Ilijaš" (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

Uvod

- Obuhvat i površina
- Postojeće stanje
 - Prirodni uslovi
 - Geografski položaj
 - Karakteristike reljefa
 - Hidrogeološke karakteristike terena
 - Geološka građa terena
 - Stabilnost terena
 - Pogodnost terena za građenje i preporuke za fundiranje objekata
 - Seizmičnost terena
 - Klimatske karakteristike
 - Stvoreni uslovi
 - Stanovništvo i domaćinstva
 - Građevinski fond
 - Opremljenost naselja društvenom infrastrukturom
 - Opremljenost teritorije saobraćajnom i komunalnom infrastrukturom
 - Saobraćaj
 - Snabdjevanje vodom i odvodnja otpadnih voda
 - Elektroenergetika
 - Toplifikacija - gasifikacija
 - Kulturno - historijsko i prirodno naslijeđe
 - Izvod iz plana višeg reda i provedbeni planovi u kontaktnim zonama
 - Namjena površina
 - Koncept prostorne organizacije
 - Stanovanje
 - Društvena infrastruktura
 - Zelenilo
 - Sobraćaj i opremljenost naselja komunalnom infrastrukturom
 - Kulturno - historisko i prirodno naslijeđe
 - Građevinski fond
 - Urbanističko-tehnički pokazatelji

Grafički dio sadrži:

- "Izvod iz urbanističkog plana grada Sarajeva, za urbano područje Ilijaš, za period od 1986. do 2015. godine 1:5000
- Ažurna geodetska situacija obuhvata regulacionog plana "Centar Ilijaš" 1:1000

3. Inženjersko-geološka karta 1:1000
4. Postojeće stanje - spratnost, kategorija i namjena objekta i ograničenja u prostoru 1:1000
5. Posjedovno stanje 1:1000
6. Namjena površina 1:1000
7. Urbanističko rješenje - namjena, razmještaj i spratnost objekata 1:1000
8. Mreže regulacionih i građevinskih linija i prijedlog plana parcelacije 1:1000

Član 3.

Po jedan primjerak ovjerenog elaborata nalazi se na stalnom javnom uvidu i čuva se u nadležnoj službi Općine Ilijaš i Zavodu za planiranje razvoja Kantona Sarajevo.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01/1-02-1868-5a/10
30. decembra 2010. godine
Ilijaš

Predsjedavajući
Općinskog vijeća Ilijaš
Petar Ilić, s. r.

Na osnovu čl. 29. stav 2. i čl. 47. stav 2. Zakona o prostornom uređenju Kantona Sarajevo ("Službene novine Kantona Sarajevo" broj 7/05), i čl. 23. i 55. Statuta Općine Ilijaš ("Službene novine Kantona Sarajevo", br. 7/98, 9/01 i 17/04), Općinsko vijeće Općine Ilijaš, na sjednici održanoj 30. decembra 2010. godine, donijelo je

ODLUKU

O PROVOĐENJU REGULACIONOG PLANA "CENTAR ILIJAŠ"

Uvod

Član 1.

Ovom Odlukom uređuje se uslovi korištenja, izgradnje, uređenja i zaštite prostora na prostornoj cjelini za koju se Regulacioni plan "Centar Ilijaš" (u daljnjem tekstu: Plana) donosi, a naročito, granice prostorne cjeline, urbanističko-tehnički uslovi za izgradnju građevina, uslovi za uređenje građevinskog zemljišta, mjere zaštite stanovnika i materijalnih dobara od prirodnih i ljudskih djelovanja izazvanih nepogoda i katastrofa i ratnih djelovanja, uslovi uređenja zelenih i slobodnih površina, odnosi prema postojećim objektima, uslovi pod kojim se pojedine djelatnosti mogu obavljati u planiranom prostoru i druge odredbe kojima se uređuju odnosi u prostoru.

Granice prostorne cjeline

Član 2.

Granica obuhvata polazi od tačke broj 1 koja se nalazi na rubu regulisanog korita rijeke Misoče, a ima koordinate y=6521566, x=4867379, zatim produžava na sjever idući željezničkom prugom k.č. 1912 (obuhvata je) i dolazi do tačke broj 2 koja se nalazi na granici pomenute pruge, a ima koordinate y= 6521609, x=4868403, granica obuhvata skreće na istok sijekući u pravoj liniji prugu k.č. 1912 i ulicu 28 juli k.č. 1930, zatim nastavlja u istom pravcu obuhvatajući ulicu Paljevska k.č. 1934 i dolazi do tačke broj 3 koja se nalazi na medi između parcela k.č. 142 i 1934, a ima koordinate y= 6522052, x=4868365. Granica obuhvata produžava na jug idući međom parcele k.č.334 (obuhvata je), potom nastavlja u istom pravcu planiranom lokalnom saobraćajnicom, te produžava u istom pravcu međama parcela k.č. 364, 396/22, 396/23, 396/14, 396/26, 396/10 (neobuhvata ih), zatim siječe u pravoj liniji parcele k.č. 396/9, 396/8, 396/6 i 414, granica nastavlja u istom pravcu planiranom lokalnom saobraćajnicom, te zaštitnim pojasom regionalne ceste (po Prostornom planu za period od 2003. do 2023. godine) (obuhvata ih) i dolazi u tačku 4 sa koordinatama y=6521772, x=4867521, potom presjeca prugu k.č. 1927 i dolazi u tačku broj 5 sa

koordinatama 7=6521731, x=4867511 koja se nalazi na rubu regionalne ceste, zatim produžava u pravcu juga te zapada idući zaštitnim pojasom regionalne ceste i regulisanim koritom rijeke Misoče (neobuhvata ih) i dolazi do mjesta odakle je opis granice i počeo.

Sve naprijed navedene parcele nalaze se u K.O. Ilijaš Grad Općina Ilijaš.

Površina obuhvata iznosi 29,4 ha.

Urbanističko-tehnički uslovi za izgradnju građevina i uslovi uređenja građevinskog zemljišta

Član 3.

U obuhvatu ovog Plana definisane su zone sa sljedećim namjenama:

- Stambeno-poslovne zone (SP₁, SP₂, SP₃) 15,87 ha
- Stambena zona (S) 2,92 ha
- Poslovne zone (P₁ i P₂) 2,33 ha
- Zona zaštitnog zelenila (ZZ) 2,85 ha
- Primarni saobraćaj van zoni 5,43 ha

Površine pod naseljskim saobraćajnicama i druge naseljske infrastrukture nalaze se u naprijed navedenim pretežnim namjenama.

Član 4.

Izgradnja na području obuhvaćenom granicama opisanim u članu 2. vršit će se na osnovu:

- Regulacionog plana "Centar Ilijaš,
- Projektna dokumentacije za pojedinačne objekte (građevinske parcele) sa riješenim vanjskim uređenjem.
- Tehničke dokumentacije za izvođenje objekata naseljskih saobraćajnica, te komunalne infrastrukture.

Član 5.

Urbanističko-tehnički uslovi za izgradnju građevina su:

- Građevinske parcele na kojima se planira izgradnja građevina, a u okviru definisanih namjena, označene su kao: "S"(1-19), "P" (1-6), "SP"(1-21), "V", "Ki", "DI" (1-2) i "USP".
- Na građevinskim parcelama označene kao "S" mogu se graditi samo stambene građevine.
- Na građevinskim parcelama označene kao "P" mogu se graditi poslovne građevine (sa komercijalnim sadržajima i sadržajima društvene infrastrukture).
- Na građevinskim parcelama označene kao "SP" mogu se graditi stambeno-poslovne građevine.
- Na građevinskoj parceli označene kao "V" može se graditi samo građevina u funkciji pravoslavne crkve (stambene ili stambeno-poslovne namjene).
- Na građevinskoj parceli označene kao "Ki" može se graditi građevina komunalne infrastrukture (tržni centar sa pratećim sadržajima - zanatskim centrom i garažom).
- Na građevinskim parcelama označene kao "Di" može se vršiti uređenje prostora i postavljanje dječijeg i parkovskog mobilijara.
- Na građevinskoj parceli označene kao "USP" može se vršiti uređenje prostora u namjene univerzalne sportske plohe.

Član 6.

Uslovi za izgradnju novih građevina dati su u grafičkom prilogu broj 7 ovog Plana za svaku parcelu i moraju se ispoštovati:

- regulaciona linija,
- građevinska linija,
- spratnost, odnosno visina građevine,
- maksimalna bruto građevinska površina,
- maksimalna tlocrtna površina objekta.

Član 7.

Građevinske parcele utvrđene su regulacionom linijom i definisane su u grafičkom prilog broj 8 ovog Plana. Građevinska

linija utvrđuje dio građevinske parcele na kojoj je moguće izgraditi građevinu. Unutar građevinske linije investitor je slobodan da definiše tlocrt građevine u ovisnosti od potreba i želja. Građevinska linija se ne može preći ni jednim djelom građevine.

Unutar površine koju ograničavaju regulacione linije moguće je uspostavljanje novih regulacionih linija u cilju grupisanja jedne ili više planiranih parcela (a sve u zavisnosti od potreba potencijalnih investitora) uz obavezno poštivanje (u slučaju nove gradnje) utvrđene građevinske linije prema saobraćajnicama. Isti uvjeti se odnose i na grupisanje postojećih građevinskih parcela.

Ukoliko je neophodna realizacija više građevina u datom prostoru onda distance između njih mora biti minimum jedne visine naspram fasade nižeg objekta računajući od tla do vijenca objekta, ali ne manje od 6,0 m radi zadovoljenja protivpožarne zaštite.

U okviru građevinske parcele privrednih kapaciteta zastupljenost uređenih zelenih površina treba da bude 20-30% od ukupne površine građevinske parcele.

Ukoliko je za uspostavljanje službe obezbjeđenja i recepcije neophodna izgradnja posebnog objekta isti ne može preći horizontalnu dimenziju 5,0 m x 3,0 m i spratnost prizemlja. Objekat službe obezbjeđenja i recepcije može biti građena izvan građevinske linije, ali ne izvan regulacione linije.

Nivelacione kote poda prizemlja za stambene, stambeno-poslovne i poslovne građevine u odnosu na saobraćajnicu utvrdit će se na osnovu nivelacionih kota saobraćajnica datih u planu i moraju biti od istih uvećane za minimalno 15 cm.

U slučaju izgradnje podruma i temeljenja na dubini već ož od 4,00 m neophodno je izvršiti dodatna ispitivanja nivoa podzemnih voda za predmetnu lokaciju i obezbijede odgovarajuće tehničke mjere u cilju zaštite od istih.

Tehnička dokumentacija i realizacija novih objekata mora biti u saglasnosti sa važećim propisima i preporukama vezanim za konstruktivne elemente same građevine i neophodnih radova na okolnom terenu datim u geoinžinjerskom elaboratu.

Obim i kvalitet izvedenih radova vezanih za geoinžinjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

Svi arhitektonski objekti predviđeni za izgradnju ovim Planom moraju biti oblikovani i građeni od savremenog materijala i skladno uklopljeni u postojeći ambijent.

Na stambenim objektima, stambeno-poslovnim i objektima društvene infrastrukture treba primijeniti višesvodne kose krovove ili kombinaciju kosih i ravnih krovova. U slučaju primjene kosih krovova, dobivena potkrovlja se mogu koristiti za sadržaje koji su u funkciji primarne namjene objekta s tim da nadzidak ne može preći 50 cm od nosive ploče posljednje etaže.

Pomoćni objekti na površinama predviđenim za izgradnju stambenih, poslovnih i stambeno-poslovnih objekata se mogu odobriti u okviru date građevinske linije.

Parkiranje i garažiranje vozila se mora riješiti u sklopu građevinske parcele kao otvoreni parkinzi ili samostalna ili kao dio građevine. Investitor je dužan da obezbijedi površine za parkiranje - garažiranje na dodjeljenoj građevinskoj parceli (vlasničkoj) prema važećim normativima. Broj parkinga, odnosno garažnih mjesta u okviru građevinske parcele definisat će se kroz urbanističke saglasnosti u zavisnosti od namjene i kapaciteta sadržaja.

Ograda oko građevinske parcele može biti realizovana kao puni zid samo do visine 110 cm.

Zabati ili veće slobodne površine na fasadama svih objekata se mogu koristiti za postavljanje reklama, obavještenja, rasvjete, iluminacije, naziva firmi i sl. pod uslovom da se za ove potrebe izradi i usvoji projekt izgleda cjelokupnog fasadnog platna na

koje se postavljaju navedeni elementi, te utvrdi da isti ne remete normalno odvijanje funkcije u i izvan građevine.

Reklamni panoi ne mogu biti postavljani u trokutu preglednosti raskršća, i u poziciji koja ometa ili čini nepreglednim elemente javnog informisanja i sl.

Član 8.

Uređenje građevinskog zemljišta se mora izvesti u obimu i na način kako je to utvrđeno Planom, uz slijedeće uslove:

- Izgradnja građevina se ne može započeti bez prethodnog minimalnog opremanja građevinskog zemljišta, pod čime se podrazumijeva obezbjeđenje saobraćajnog pristupa građevinskoj parceli, priključenje na vodovodnu, kanalizacionu i elektroenergetsku mrežu, neophodno izmještanje vodova komunalne infrastrukture.
- Izgradnja građevina ne može započeti prije uklanjanja objekata predviđenih za rušenje. Izuzetno, može se odobriti korištenje ovih objekata za potrebe gradilišta ali se isti moraju ukloniti prije tehničkog prijema zgrade.
- Nivelete pješačkih saobraćajnica kao i prilazi i ulazi u sve objekte moraju biti isprojektovani i izvedeni sa nagibima koji omogućavaju nesmetano kretanje invalidnih lica.
- Investitor može graditi objekte na parceli koja je u njegovom vlasništvu pod naprijed navedenim uslovima.
- Pri izdavanju građevinske dozvole za arhitektonske i druge objekte potrebno je pribaviti geološki nalaz uz uslove temeljenja od stručnih institucija, a statički proračun objekta mora se definisati za zaštitu od potresa jačine 70 (+10) MCS.

Član 9.

Za kompleks Tržno-zanatskog centara sa garažom (parcela K11), obaveza je izrada idejnog projekta sa uređenjem zemljišta. Može se odstupiti od Planom predložene organizacije prostora, ali u okviru date građevinske linije. Također, može se odstupiti za 20% od Planom datih kapaciteta: zanatski centar, zatvorena tržnica, otvorena pijaca, garaža i parking prostora. U okviru datih građevinskih linija i vertikalnih gabarita organizaciju prostor dat će Idejni projekt ovog kompleksa.

Član 10.

Zamjena građevinskog fonda sa povećanjem spratnosti objekta "zanatskog centra" (između ulica Omladinska i Bosanski put) radi se prema idejnom projektu koji tretira kompletnu građevinsku parcelu. U okviru projekta treba ukomponovati i pasarelu.

Član 11.

Za prostor na kome je planirana izgradnja benzinske stanice i autoservisa (parcela P6) propisuje se izrada dokumentacije na nivou urbanističkog projekta.

Uslovi temeljenja na uslovno stabilnom terenu

Član 12.

Manji individualni stambeni objekti mogu se temeljiti na temeljne trake jer su najoptimalnije i najviše se koriste u gradnji sa min. dubinom od 0,80 m (što je za sarajevski kanton zona zamrzavanja) i sa širinom od 0,50 - 0,60 m.

U padinskim dijelovima terena mora se vršiti zasijecanje terena tako da će u gornjem dijelu min. fundiranje biti 0,80 m, a u donjem dijelu niz padinu zbog manjeg pasivnog pritiska kako bi se dobilo ujednačeno slijeganje objekta fundiranje biti min. cca 1,10 m, sa širinom temeljne trake od 0,50 - 0,60 m.

Također ovi objekti zavisno od visine zasjeka moraju biti zaštićeni adekvatnim potpornim zidom i sa gornje strane i sa bočnih strana prateći konfiguraciju terena.

Iza armirano-betonskog potpornog zida mora biti postavljen drenažni zasip sa drenažnom cijevi koja bi bila spojena na sabirni šaht a iz njega dalje u gradsku kanalizaciju. Treba napomenuti da se drenažni sistem održava u vremenu jer je sklon začepljenju.

Saobraćaj u mirovanju

Član 13.

U svim zonama parkiranje-garažiranje obezbijediti na građevinskoj parceli, kao podzemne ili spratne etaže kao dio građevine (podzemne ili nadzemne garaže) ili na otvorenom parkiralištu u okviru pripadajuće građevinske parcele.

Procjena potrebnog broja parking-garažnih mjesta je izvršena na osnovu sljedećih normativa:

- za administraciju jedno parking mjesto na 30 m² po max. BGP
- trgovinu jedno parking mjesto na 60 m² po max. BGP
- za skladišta jedno parking mjesto na 120 m² po max. BGP
- za planiranu stambenu izgradnju: 1 stan -1.1 parking mjesto

Navedeni broj parking mjesta je minimalani broj parking mjesta u odnosu na planiranu maksimalnu BGP.

Mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja

Član 14.

Uslovi za sklanjanje stanovništva i materijalnih dobara moraju biti obezbijedjeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Mjere zaštite prava lica sa smanjenim tjelesnim sposobnostima

Član 15.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za građenje, nadležni organi, odnosno nadležne službe su dužne obezbijediti da se primjeni Uredba o urbanističko-tehničkim uvjetima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedski pomagala ("Službene novine Kantona Sarajevo", broj 5/00).

Uslovi uređenja zelenih i slobodnih površina

Član 16.

Ovim Planom utvrđene su kategorije zelenila:

- zelenilo u stambenim i stambeno-poslovnim zonama
- zelenilo u poslovnim zonama
- zelenilo groblja
- zaštitno zelenilo
- linijsko zelenilo

Površinama planiranim za igru djece mogu se koristiti i samo za osnovnu namjenu, može se postavljati mobilijar za igru djece i klupe.

Odnos prema postojećim objektima

Član 17.

Na stambenim i stambeno-poslovnim objektima koji se nalaze u stambeno-poslovnim zonama (SP₁, SP₂ i SP₃) i poslovnim zonama (P₁ i P₂) moguće su intervencije u vidu dogradnje, nadogradnje sprata, rekonstrukcije, redizajna vanjskog izgleda objekta, kao i zamjene kompletnog građevinskog fonda (u skladu sa naznakama datim s grafičkim prilogom broj 7).

Na objektu "Garsonjera" na parceli k.č. 312 moguća je dogradnja u Planom datim horizontalnim gabaritima i dogradnja jedne etaže (Grafički prilog 7). Ukoliko se investitori odluče za

izgradnju novog objekta ista je moguća u datim horizontalnim gabaritima, a spratnosti P+3.

Rekonstrukcija, zamjena građevinskog fonda i izgradnja postojećih prizemnih poslovnih objekata uz Ulicu 126. Ilijaške brigade moguća je uz uslov da se uradi jedinstven idejni projekat objekata tretirajući sve objekte u nizu kao cjelinu.

Na postojećim objektima koji se nalaze van Planom utvrđene regulacione i građevinske linije (djelimično u zaštitnim pojasevima saobraćajnica) se može dozvoliti proširenje samo unutar nove utvrđene građevinske linije ovog Plana.

Stambeno-poslovni objekat na parceli k.č. 389 može se rekonstruisati u gabaritima datim u grafičkom prilogu broj 7 ovog Plana.

Član 18.

Postojeći individualni stambeni i drugi objekti čije uklanjanje nije predviđeno ovim Planom, u koliko nisu građeni na osnovu urbanističke saglasnosti i prema odobrenju za građenje, mogu se legalizovati u skladu sa odredbama Plana, zakonima i odlukama Kantona Sarajevo i Općine Ilijaš.

Član 19.

Na postojećim objektima predviđeni za uklanjanje može se odobriti samo tekuće održavanje.

Član 20.

Dogradnja, nadogradnja i izgradnja zamjenskog građevinskog fonda ne smije da pređe 50% BGP postojećeg objekta.

Građevinska linija zamjenskog objekta ili dograđenog dijela objekta mora zadržati građevinsku liniju susjednih objekata, i minimalnu udaljenost od:

- ivice susjedne parcele min 3,0 m susjednog objekta min. 6,0 m.

Član 21.

Odnos prema postojećim objektima evidentiranim kao ambijentalne vrijednosti

Na individualnim stambenim objektima iz austrijskog perioda locirani uz saobraćajnicu - Ulica Bosanski put koji se zadržavaju ovim Planom, moguće su savremene intervencije unutar objekta u cilju unapređenja stambenih uslova, adaptacija u okviru postojećih gabarita, sanacija, restauracija i koloristička obrada fasada uz uklanjanje naknadno izvedenih arhitektonskih elemenata koji devastiraju objekat.

Dozvoljava se dogradnja u zaleđu ovih objekata u okviru datih građevinskih linija uz uslov uklanjanja pomoćnih objekata sa svih strana matičnog objekta i izvrši sanacija i rekonstrukcija prednjeg plašta matičnog objekta sa vraćanjem na prvobitno stanje.

Dozvoljena spratnost je prizemlje i potkrovlje, s tim stoje maksimalna kota dograđene građevine u visini sljemena matičnog objekta. Obavezan je viševodni krov. U arhitektom smislu savremeno oblikovan dograđeni dio uskladiti sa matičnim objektom.

Kod svih intervencija na parceli obavezno je mišljenje Zavoda za kulturno-historijsko i prirodno nasljeđe Kantona Sarajevo.

Član 22.

Na stambenim objektima koji se nalaze u zonama stanovanja (S₁) valorizovani kao "ambijentalna vrijednost" (u Kakanjskoj ulici od broja 1-3 i Omladinskoj ulici broj 2,4,6 i 8), moguće su slijedeće intervencije: sanacija, tekuće održavanje, koloristička obrada fasada u okviru postojećih horizontalnih gabarita i spratnosti.

Član 23.

Legalizacija, rekonstrukcija i nadogradnja objekata na uslovno stabilnom terenu se može dati uz detaljan pozitivan geotehnički izvještaj (DA uz GTI). Izrada geotehničkog izvještaja mora biti oslonjena na podatke dobijene iz istražnog

rada (istražni šaht ili istražna bušotina) zavisno od lokacije tj., objekta njegovog opterećenja i dubine ukopavanja. Dobijeni podaci iz istražnog rada i detaljnim I.G. kartiranjem mikrolokacije dobijaju se svi neophodni parametri koji ulaze u konačnu ocjenu za predmetnu lokaciju. Na osnovu geomehaničkih podataka za sloj ispod temelja vrši se proračun po važećim formulama usvojenim u tehničkim normativima. Opterećenje objekta ne smije prelaziti niti biti blizu proračunatog graničnog opterećenja nosećeg sloja. U suprotnom nastao bi lom tla i nepravilno slijeganje što bi rezultiralo pucanjem temeljnih traka i objekta.

Ostale odredbe

Član 24.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01/1-02-1868-5b/10 Predsjedavajući
30. decembra 2010. godine Općinskog vijeća Općine Ilijaš
Ilijaš **Petar Ilić, s. r.**

Na osnovu člana 12. Statuta Općine Ilijaš-prečišćeni tekst ("Službene novine Kantona Sarajevo" br.20/09) i člana 7. Odluke o priznanjima ("Službene novine Kantona Sarajevo", broj 36/09), Općinsko vijeće Ilijaš, na sjednici održanoj 30. decembra 2010. godine, donijelo je

PRAVILNIK

O PROCEDURAMA, KRITERIJIMA I MJERILIMA ZA DODJELU PRIZNANJA

Član 1.

Ovim Pravilnikom se utvrđuju procedure, kriteriji i mjerila za dodjelu priznanja Općine Ilijaš, koja su propisana Statutom Općine Ilijaš i Odlukom o priznanjima.

Član 2.

Komisija upućuje poziv za podnošenje prijedloga subjektima iz člana 5. Odluke o priznanjima, najkasnije dva mjeseca prije dodjele priznanja, koji se objavljuje i na internet stranici Općine.

Član 3.

Uz poziv za dostavljanje prijedloga Komisija za javna priznanja, obilježavanje historijskih događaja i ličnosti i zaštitu kulturnog i prirodnog nasljeđa učesnicima u predlaganju dostavlja Odluku o priznanjima i ovaj pravilnik.

Učesnici u predlaganju obavezni su postupati po utvrđenim procedurama, kriterijima i mjerilima, te svoje prijedloge pismeno obrazložiti i argumentovati.

Član 4.

Rok za podnošenje prijedloga ne može biti kraći od petnaest dana, a komisija će iste razmotriti u daljem roku od sedam dana.

Član 5.

Kriteriji i mjerila za dodjelu priznanja kolektivima su:

- postignuća po ocjeni nadležnog organa kroz: ostvarenu dobit, ocijenjeni najmanje kao uspješni od mjerodavnog organa, povećali broj zaposlenih ili proširili članstvo;
- doprinos u poboljšanju uslova života u lokalnoj zajednici na području općine kroz pomoć u realizaciji projekata ulaganjem vlastitih finansijskih sredstava ili obezbjeđenjem donatorskih sredstava;
- doprinos u organizacionom povezivanju među lokalnim zajednicama i unutar same lokalne zajednice u cilju efikasnijeg ispunjavanja svojih dužnosti i obaveza, ostvarivanje prava općih interesa;
- doprinos u afirmaciji nauke, obrazovanja, zdravstva, kulture i sporta ulaganjem vlastitih finansijskih sredstava ili obezbjeđenjem donatorskih sredstava

- doprinos u oblasti nauke, obrazovanja, kulture i sporta na međunarodnom, državnom, entitetskom i kantonalnom nivou osvojili jedno od tri mjesta koja se nagrađuju;
- stipendiranje studenata ili učenika vlastitim finansijskim sredstvima s tim da iznos stipendije nije manji od 15% u odnosu na prosjek plaće u Federaciji Bosne i Hercegovine po posljednjem objavljenom podatku;

Član 6.

Kriteriji i mjerila za dodjelu pojedinačnih priznanja su:

- višegodišnji davalac krvi;
- inovacije ili kreativan rad po osnovu kojeg je dobijeno međunarodno, državno, entitetsko ili kantonalno moralno (plakete, diplome, sertifikati...) ili materijalno priznanje;
- razvoj poljoprivrede i stočarstva proizvodnjom tržišnih prehrambenih proizvoda hrane ili stočarstva iz matičnog stada i zasađen novi voćnjak najmanje 0,3 h;
- stipendiranje studenata ili učenika vlastitim finansijskim sredstvima s tim da iznos stipendije nije manji od 10% u odnosu na prosjek plaće u Federaciji Bosne i Hercegovine po posljednjem objavljenom podatku;
- za osvojeno jedno od tri mjesta koja se nagrađuju u oblasti nauke, zdravstva, obrazovanja, kulture, umjetnosti i sporta na međunarodnom, državnom, entitetskom i kantonalnom nivou;
- vlastitim angažmanom, materijalnim ili finansijskim sredstvima ili obezbjeđenjem donatorskih sredstava pomogao realizaciju infrastrukturnih projekata u lokalnim zajednicama;

Rezultati postignuti volonterskim radom imaju prednost u odnosu na rezultate ostvarene kroz profesionalni angažman.

Darivanje organa da bi se spasio život drugom ili izlaganjem vlastitog života u neposrednoj opasnosti da bi se spasio život drugom, ima prednost u odnosu na sve kriterije utvrđene u stavu 1. ovog člana.

Član 8.

Nadležna komisija za utvrđivanje prijedloga za dodjelu priznanja prilikom razmatranja prispjelih prijedloga će se pridržavati kriterija i mjerila utvrđenih u članu 5. i 6. ovog pravilnika i na osnovu utvrđenih rezultata predložiti odluku kojom se dodjeljuju kolektivna i pojedinačna priznanja Općinskom vijeću na usvajanje.

Član 9.

Danom stupanja na snagu ovog pravilnika prestaje da važi Pravilnik o procedurama, kriterijima i mjerilima za dodjelu priznanja Općine Ilijaš ("Službene novine Kantona Sarajevo", broj 36/09).

Član 10.

Pravilnik o procedurama, kriterijima i mjerilima za dodjelu priznanja stupa na snagu danom objavljivanja u "Službenim novinama Kantona Sarajevo".

Broj 01/1-02-1868-6/10 Predsjedavajući
30. decembra 2010. godine Općinskog vijeća Općine Ilijaš
Ilijaš **Petar Ilić, s. r.**

Na osnovu člana 23. i 55. Statuta Općine Ilijaš - prečišćeni tekst ("Službene novine Kantona Sarajevo", broj 20/09), člana 1. i 2. Odluke o stipendiranju učenika i studenata u stanju socijalne potrebe ("Službene novine Kantona Sarajevo", broj 33/09) i člana 3. Pravilnika o stipendiranju učenika i studenata u stanju socijalne potrebe ("Službene novine Kantona Sarajevo", broj 36/09, 3/10 i 23/10), na prijedlog Općinskog načelnika, Općinsko vijeće Ilijaš, na 28. sjednici održanoj 30. decembra 2010. godine, donijelo je